



鈴山堂集卷第三十二目錄

墓誌銘 表 傳

溧陽徐夫人墓表

封大淑人王氏墓碣銘

太淑人栢氏墓誌銘

淑人王氏墓誌銘

封太淑人李氏墓誌銘

封恭人秦氏墓誌銘

封安人陶氏墓誌銘

太孺人阮氏墓誌銘

安人周氏墓誌銘

封安人高氏墓誌銘

封宜人范氏墓誌銘

封太孺人呂氏墓誌銘

御史朱君妻封孺人墓誌銘

鄉進士唐君妻墓誌銘

華母傳

鈴山堂集卷第三十二

墓誌銘

溧陽徐夫人墓表

南京光祿少卿朝列大夫史公諱後之夫人徐氏以
嘉靖十三年閏二月甲寅卒以十一月壬寅葬從光
祿公之墓而其子進士際請予詞刻於隧首之石嗚
呼光祿公之歿橫罹讒誣聞者傷之矣當是時際子
然立外侮叢至坎懍萬狀夫人銜茹悲苦獨撫其子
曰往成汝學必力以無墜父志際感奮折節才譽隱
起一時名卿文士無不知之者由是舉進士甲科試

金山堂集 卷三
政銓曹會奉詔使南方便道歸省夫人命服拜床下
時夫人已寢疾一見歡甚既而悲不自勝母子相泣
閭里聚觀歎息曰幸哉有子乃再振厥世夫人之教
也蓋越兩月而夫人卒際克盡力後事云徐氏惟中
山王開國勳第一世享爵秩碩大顯盛夫人王七世
孫太子太傅魏國莊靖公之季女太子太傅成國莊
簡公之外孫也蕃愛稠息弗輕許字光祿公舉進士
爲南京刑科給事中有盛名莊靖一見器之遂許妻
焉夫人柔明祇慎相其夫以正而順事其姑以敬撫
媵御以寬際前配王出也蓋視育之若已所出嗚呼

能不恃其貴富而克盡其行己之道困阨怫鬱之來
而安處之以俟夫天之定此學士大夫之所難也而
以女子能之豈不賢哉石門之阡伉儷同藏厥澤孔
延來者其昌乎

封太淑人王氏墓碣銘

太淑人王氏吏部侍郎徐公縉之母也始公之考封
君諱潮元配沈氏久無嗣聞太淑人在室有賢稱乃
受于王之廟而歸太淑人既入門敬以承舅姑恭以
順夫嫡徐故碩宗也家食千指泉貨出納之度先祭
賓燕之需男女耕織之業僮僕之役其食飲服用盈

金日堂集 卷之三
縮之節緒錯絲焚莫之適理太淑人躬任其勞凡所處畫條度整然而沈夫人自讓其能遂授以家政上下仰成焉封君逸老湖山寄興吟咏築室治圃以奉親爲樂曾不內顧者繁太淑人是賴太淑人生二子長即吏部公次曰紳吏部舉進士入翰林爲編修以初考得貶封沈而王例不獲封建侍 今上于講幄擢貳銓曹於是太淑人始有今封使者捧誥書至第衆以爲榮然大淑人不色喜曰封君之弗逮也既而公遭誣賧乃至落職以歸衆以爲惜然大淑人不色愠曰謗起無稽而成於不察過不在子也君子謂太

淑人明于大誼令于慈誨可不謂賢乎女一適馬叔雍孫男六玄度玄慶玄成玄齡玄理玄佐生景泰壬申四月廿六日卒嘉靖壬寅七月十三日享年八十有九葬以明年癸卯二月十日墓在吳縣西洞庭金鐸山從封君之兆吏部以書來告嵩使刻詞隧首之石嵩獲交於公四十年視若弟昆誼不得辭謹敘而系之以銘銘曰

猗嗟淑人夙稟懿質昔在若考慎所攸匹爰歸于徐宜其家室孝媚諸姑敬順弗失克勤任事肅共翼翼亦既有子展也大成博綜墳籍蔚爲儒英爰自文苑

金山堂集 卷三
遂陟銓衡誥書煌煌言即于第玳首金葩龍文雙峙
介福名堂維 帝之制始造之艱晚則多祉古稱媿
耦萬福之原不觀夫人實大徐門以引勿替蟄蟄後
昆勒詞貞石以永其存

太淑人栢氏墓誌銘

太淑人栢氏錦衣衛都指揮僉事諱珍父也被選為
憲廟賢妃其姊也榮祿大夫左軍都督府都督同
知袁公諱彬舅也初授中書舍人繼襲錦衣衛都指
揮僉事諱熹其夫也初榮祿公起行伍扈從 英宗
皇帝北狩艱危翊護實懋厥功天順復辟即拜錦衣

陟督府恩寵冠一時太淑人來歸其門族類尊顯不
見其有驕盈之色敬事舅姑順承夫子仁卹媼族內
外稱宜焉生天順己卯七月一日卒嘉靖己丑七月
二十八日其壽七十有一九月二十二日合葬都城
東北花園之原子三人長天章錦衣都指揮僉事管
鎮撫司事次某某先卒女二適都指揮狄唐錦衣指
揮張達孫一人良懋將葬天章以予鄉人也故來請
銘銘曰

烈烈榮祿扈蹕沙漠險難周旋執事有恪虞淵日浴
渤海龍翔錫命酬勲祭戟旂常燕及嗣人休有耿光

婉婉夫人 帝妃之姊來嬪袁宗職饋主祭歲時來
寧列侯戚里文駟雕軒錯繡紛綺維貴弗盈維富弗
有載其德仁以峙永久孰豐其川弗羨其源都城之
東鬱鬱崇原夫也同藏松楸日繁滌美昭先俾世勿
諼

淑人王氏墓誌銘

淑人王氏京師人歸于張爲錦衣指揮使某之次室
年六十有四以嘉靖十年二月十日卒于乾寧之里
第惟張氏爲國戚里爵號命書燕及宗親顯盛光大
淑人每至京師入朝 昭聖康惠慈壽皇太后留侍

眷之翟雞文錦之袍寶簪珠珥之飾簪簪珍異之饌
賚予甚厚時顧問家事及閭閻民隱淑人敷對有儀
凡可惠利下人者力贊成之人以是稱其賢錦衣君
元配金氏淑人佐之執謙敦素罔有違言門內與與
如也淑人生子一人曰偉蚤世女三人長適魏國公
徐鵬舉次適瑞安侯王橋次適恭順侯吳世興子某
淑人之卒也 昭聖聞訃遣中官賜奠賻是年五月
日葬祔于先塋之次於是太師昌國公謀于宗人
曰叔母有賢德葬宜有銘示後迺來請銘銘曰
託靈椒塗慶之多朝于內庭服委佗姻戚來壽車駢

羅溢其下世傷如何銘勒玄石永弗磨

封太淑人李氏墓誌銘

兵部尚書楊公總督陝西邊務之三年母封太淑人李氏卒于固原督府之寢嘉靖二十二年十一月十四日也年八十有一先是尚書以太淑人年高疏乞休致歸養上以邊場事殷詔奪之俸二級既乃黠虜犯邊公督師擊之績聞詔復其俸加太子少保君子曰賢哉楊公不遺親孝也勤事忠也至是有司議太淑人卹典詔遣官賜祭葬如例而厥考贈尚書匏翁歿且葬若干年於是并賜祭以從公之請蓋異數

云太淑人姓李氏家世蒲州人生而雅重不妄笑言歸匏翁以孝謹稱翁筮仕幕職歷佐州郡以伉直忤貴倖屢瀕顛沛至空囊以歸太淑人浣衣蔬食自若生今尚書公少雄畧負氣蘄然見頭角太淑人雖竒之意嘗抑之不假以色辭尚書舉進士授戶部主事陞僉事副使謫通判起爲山東布政使右副都御史巡撫四川遭誣訐家食三年復起叅政河南陞浙江按察使尋巡撫寧夏以陟今官太淑人皆至官食其祿既屬疾念瓠翁每欲置義田贍族弗果而尚書已割俸歸管其事則喜曰子克成先志吾無憾矣子男

金山堂集 卷之三
七人長守仁次守義次即尚書公守禮次守智守信
守廉守潔女四孫男十五曾孫男二尚書卜以 年
月 日合祔於匏翁之兆而書來屬銘其墓謹按
春秋之義母以子貴豈獨以貴又因以徵其賢焉尚
書功在王室蔚為名卿非母之賢而能然哉若太淑
人者是宜銘銘曰

天欲生賢益人國必先令德施訓育於古為教自胎
腹長而不遷乃習熟吁嗟楊母真令淑相夫歷艱儉
自服撫成尚書國器夙官箴在堂日祗肅天為作善
畀全福見子八座厚食祿龍章褒錫恩燁煜况成夫

志惠里族勒銘玄室流馨馥

封恭人秦氏墓誌銘

都察院左僉都御史黃巖劉公舜弼巡撫河北歸之
明年為嘉靖壬寅五月二十七日喪厥配秦恭人于
家公哭之哀明年 月 日祔葬於先墓韓山之陽
而其子貢士承裕入京師泣告予曰承裕奉父命乞
吾母之銘所以慰吾父之思也予悲其言不能辭按
狀恭人秦氏世家山西蒲州父諱某仕至陝西按察
副使初按察公為御史居京師與刑部郎中劉北村
先生友善先生仲子今都憲未授室間以婚請按察

金山堂集 卷之三
公諾焉秦家蒲劉家襄垣兩翁雅相契合婚媾惟良
不以千里爲遠也恭人歸劉氏年十六而內外稱其
有禮事姑張夫人每飯必親操釜釐烹調之不敢以
他事解而姑安其孝都憲未第時家稍不繼恭人即
脫簪佐費及舉進士改翰林庶吉士授給事中旋以
言被謫稍弗憚恭人趣之泣任曰君豈不安於命哉
其後歷藩臬至今官恭人皆從行隨事規益而夫賴
其助此公之所以哭而哀者也恭人卒時年五十有
二生三男子長承裕弱冠舉于鄉次承華承祥劉氏
自北村先生科第起家伯子紫巖公仕至吏部尚書

予與同官翰林歲丁丑與都憲同校文禮闈契分夙
厚故銘也不可以辭銘曰

懿哉夫人婦所宗以榮繼興繫其功姑嫜內事竭孝
恭相厥君子敬以忠關雉雞鳴有古風孰窺其庭肅
而雍衆胤象賢當奮庸惜哉中殞壽不崇韓山峨峨
鑿斯宮勒詞鑱石垂無窮

封安人陶氏墓誌銘

臨守徐君用中之母封安人陶氏以嘉靖癸未十一
月二十八日卒于常州之私第方是時安人年六十
九矣先是君日謀歸養疏再上求致其事不得請常

金川堂集 卷之三
悒悒不自聊及聞計袒括號慟以書告其友嵩曰微
官羈人爰及大故傷哉卜明年甲申之十一月某日
祔于考建安訓導封刑部主事諱某之墓而屬嵩誌
其葬按陶氏常州武進人安人之考武岡州學正諱
永以行義聞于鄉博極羣書尤邃於經及門受教多
名士安人生于武岡之學舍少則淑慧以習於父母
之教也故能通書史大義仰俯有儀以閑於婦之則
也故舅姑謂得賢婦妯娌敬事慕其所爲以爲女師
以安於夫之貧也故績緝儉勤出奩具以相其費而
不言刑部素伉直非非是是無所苟合爲建安督課

諸士以嚴安人曰是吾父嘗然及聞其數以言忤監
司則止之曰卑位伉言非福也盍歸乎刑部由是罷
歸以就其子之封蓋孺人之爲女爲婦者如此生子
四人長學蚤卒次即臨江君名問用中字也次思次
辨臨江廉靜而文志期古人於世所謂毀譽欣戚一
不以屑意盖有以自養者識者以是知母之能教也
女二適劉宗陽吳仁孫男四天叙天秩天衢其一尚
幼銘曰

命於朝寵服以宜里有色養婦子嘻嘻殖祿考終無
盛與夷仕則遠違朝夕孔悲刻銘幽宮慰其子之思

兮

太孺人阮氏墓誌銘

太孺人阮氏故儒家女延平守孫公諱某之次室實生今春坊中允承恩嘉靖初元上登極推恩以受今封太孺人始入門事嫡姚宜人得其歡心姚嬰末疾臥床褥太孺人晨夕侍湯藥靡懈病亟以子曰恒甫者囑太孺人曰是累汝矣可善視之太孺人鞠養顧復以有成立延平公即世內外多故太孺人幹理勤瘁中允君以故得專力問學起家進士入中秘文譽著聞于時太孺人性煦煦慈愛婢僕不忍譴呵寒

燠必預治服履遺之見里中寒餒者愀然憐之而賑之身務儉約寸銖尺帛不忍妄費雖受封冠帔朱袍罕御以布素終其身焉初中允君官翰林乞告歸侍久之不忍去太孺人屢趣之曰爾荷國恩宜自効毋以我為念中允君不得已行歲餘輒復思歸嘗冊封安南及校文南畿皆假道一歸省最後則疏乞終養詞甚懇切上許之歸踰年太孺人卒享年七十有七於是太孺人稱備福中允君稱孝矣孫男克紹克懋次尚幼明年某月日葬蟠龍塘延平公之墓中允自述狀以予舊同史局來請銘銘曰

孰昌厥家萬福攸始奕奕宮臣夫人之子匪家之昌
維國之光爰以子貴 錫命斯皇維詔後人刻銘以
葬

安人周氏墓誌銘

安人周氏泰順知縣劉君桐之妻南京刑部郎中夢
詩之母也刑部以主事初考例得貤封其親當是時
泰順自守其職毋獨被勅有今封曰安人云安人靜
而正儉而禮上承下御無不得宜蓋泰順爲諸生也
貧而專於學既領鄉薦爲校官河南夏縣浙天台兩
邑其貧猶然也而教學弗怠安人能以勤儉相之紡

績紉綴敝衣菲食未嘗有怨尤悔感之色已而君擢
宰漳浦泰順兩邑及子成進士官于朝豐顯矣安人
處之未嘗易其素也泰順始迎二親至官邸食其祿
其後春秋高不能復至安人獨留家以養敬恭朝夕
未嘗有違志而舅姑安之忘其子之在外也安人生
子四人長即刑部次夢禮夢賢次夢弼蚤世嘉靖甲
申四月十八日安人卒於永新之私第年五十有四
蓋刑部敏銳踔絕弱冠筮仕劇曹迅邁有聞遠且大
未艾也而安人弗待矣生成化辛卯九月二十四日
葬於某年 月 日墓某山之原銘曰

金川堂集 卷之三 銘美可徵
偕其約弗墮獲處其羸弗銜盈德維令慶以增刻茲

封安人高氏墓誌銘

安人姓高氏福州候官人封戶部主事莊君文玄之
妻南昌守惟春之母也曾祖諱旭提學江西按察僉
事祖諱某承事郎考諱某清遠教諭安人在家以能
事其繼母爲父所鍾愛歸于莊能以事父母者事其
舅姑舅姑安之其處妯娌和而有禮其御臧獲嚴而
有恩雖處豐裕其自奉養未嘗擇衣食其治賓祭中
饋之事既老猶身親之家衆有能者不付也戶部君

曰余教桐江瓊海出而訓課諸生樂與賢士大夫遊
能不以内事嬰吾慮者吾妻有助焉耳比余乞休歸
吾妻喜慰過於居官蓋世人之所慕榮與利者安人
無嗜焉其端雅修潔天性獨得也生二子惟春舉進
士筮仕戶曹歷知黃州南安南昌三郡治行稱最次
惟楨安人以嘉靖五年七月十二日卒于家春秋五
十有三明年某月日葬于某山之原於是戶部自述
其妻之世出行事授之南昌以來乞銘銘曰

陰教之興女有圖史師氏命之罔匪內事世弊俗媮
茲道以弛於惟夫人稟受天至菲食卑躬靖慎明智

金山堂集 卷之三 誥 十一
言循于經行協于軌弗勸而能允也女士配淑胤賢
有顯厥世尚配古人輝光無止

封宜人范氏墓誌銘

宜人范氏太平知府龍公夔之妻太常寺卿暹之婦
上林苑監蕃育署錄事復初醫學正科復祚鄉貢進
士復禮之母也范氏之先蘇州常熟人祖隸尺籍於
錦衣衛遂家京師是時太常公以能書直內閣兩家
往來宜人之父諱頤知太守必貴故歸以其子宜人
入奉舅姑并曰親操恭儉有制外內稱賢太守始領
鄉薦累上春官不偶不能無尤感之色宜人數慰喻

勞勉之曰幸無墮所業觀君器貌豈得終抑耶其後
果舉進士高第歷官郎署出綰郡符勤慎著稱皆宜
人有助焉生子四人其季復祐亦例受冠帶蚤卒女
一適都憲高公仲子祚孫男四曾孫男一於是太守
謝政歸卒十餘年矣宜人壽至七十有七見其子列
仕籍名薦書諸孫玉立衍衍愉愉媚于朝夕嘉靖丙
戌四月十七日卒于宜春之里第是歲九月日啓太
守公之壙而合葬焉其葬也諸子以銘爲請銘曰
有幽新宮袁水之鄉曰嬪邦侯終也同藏吁嗟夫人
有德有祉異恩斯來吾見其子

封太孺人呂氏墓誌銘

太孺人呂氏世家鎮江贈監察御史曹公諱綬之妻
南京太僕少卿倣之母年七十三以嘉靖癸巳三月
十日卒明年十月某日葬墓某山之原子三人長即
太僕舉進士爲御史才名聞于時仲曰倣其季曰儒
蚤卒女二適林禧施良孫男六人恒悅忱恬懷慎孫
女五人適朱節費忱王思范曉錢某太孺人明慧而
仁恭慎以有禮始入門事姑嚴氏承顏色教令能得
其權相御史公得輔佐之宜公蚤世撫教諸子備歷
勞勩曹氏中落矣乃豐顯裕盛子姓蕃衍有今日實

太孺人之力焉將葬太僕以予同年友也故來屬以
銘銘曰

油雲蒼施百穀泄泄相我御史夫人之懿夫人頎頎
明飭靜嘉蓄澤肇祥以啓有家爰有美子維國之華
爲中執法糾慝正邪出使入侍里第來過車服駢羅
京江之涯 皇有命書金葩玳首閣老宗工撰言爲
壽割牲考鍾黍稷籩豆告其先人奏假在廟京人聚
觀太息嗟咨誰之瘁矣碩茂榮滋偉歟夫人德實致
之于前有繼于後有貽詵詵諸孫服習書詩考終得
願萬福如茨其來未艾視此銘詞

金山堂集 卷之三 監察御史朱君妻封孺人墓誌銘

御史朱君士光奉命按吳道聞其配姚氏之喪泣自書狀走使入金陵以來請銘曰吾妻新昌人宋狀元勉之後也自其爲女十一歲無母能事父而孝理其家而整撫其幼弟妹食飲衣服不失其時比歸予年始十六能以事父者事吾先大夫太恭人以理父家者理吾家予少也宥多疾吾妻規諫調護有隱德焉尤能相勉以勤于學夜讀宿膏火進飲餽有常度予成進士令旌德海鹽二邑吾妻皆隨能宿舍以嚴日惟市蔬必記籍至門擊柝啓鑰納焉僮母得踰闕海

鹽巖邑也前之爲令多坐累弗振其得以御史召者自予始使予守官幸免於過者抑吾妻之助也吾居臺遇事利病得失未敢以嘿即涉譴怫叵測或憂之吾妻弗吾過也及予免先大夫喪將入京則止之曰君言職也顧今得言耶尚出耶往食祿而憂曷若守此田里逸身而薄享以遺爾子孫也是歲庚辰先帝南巡郡邑繹騷而嘆曰我爲婦人而得從子隱幸矣其智性明識理道多此類予居再期今上登極乃出出後巡鹺山西一年入臺又一年乃有今命斬取道還家而吾妻亡矣悲夫吾妻之葬也子其爲我

以銘嵩嘗觀於今士大夫材行器業有聞于時非獨自樹礪要亦有內助焉然內行弗克彰觀其夫所既立與其所稱而思者其賢可知矣孺人生子一人曰誥女一人適吾友傅御史冠卿之孫纓期年而纓卒誓守不二孺人憐其女之孀也數勞苦慰勉之從其志生某年月日卒嘉靖三年二月二十六日得年四十有八葬以其月日墓某山之原銘曰

姚世望筠篤生夫人邦伯維舅御史是嬪少則來歸已享其貴匪貴之享職縫主饋兩邑之治去常見思臺中之議皦厲弗隨維克相之厥聞以馳約取深慮

亦審其時士也則難矧女之爲曷以傳之眎此銘詩

鄉進士唐君妻朱氏墓誌銘

唐與朱同望晉寧而同出於浙江之嚴州其先在

國初俱發戍雲南中衛領屯種由是居晉寧兩家同里閨相好也孺人之父諱克瀛景泰中領省薦仕定州訓導兄諱鳳成化甲午與唐君以敬又同領省薦以敬爲其子佐擇婦聞孺人賢遂委禽焉蓋孺人之未行也克閑內則鍾愛於父若兄稱賢女既歸也舅判成都從姑在宦邸孝謹無違禮稱賢婦相其夫力學有文領弘治壬子省薦克世其業稱賢妻迨其夫

之歿也執舅與夫喪稱未亡人遺孤者三長曰鉞次
曰錡次曰鐫皆甫髫髻保抱携持矢濟艱難而迄見
其子之成於是稱賢母焉孺人生成化辛卯十月十
有七日卒嘉靖戊子二月二十有五十年五十有八
錡舉進士甲科觀政戶部聞孺人訃奔歸以明年己
丑某月日合葬于某山之原予教國子錡為諸生館
下知其文行竒之故孺人之葬也錡拜泣奉狀以請
予銘其友戶部主事孫君道夫實著狀相之以請乃
為銘曰

誨子而彥服位在朝弗享其榮昔也劬勞世則多有

云胡弗悲猗嗟孺人銘永其垂

華母傳

華母孺人姓鄒氏常州無錫人也華與鄒同望于錫
兩家皆豐財產而孺人之父曰某娶王氏尚書文肅
公女也孺人始往來外氏容櫛端雅進止有度文肅
異之於是華處士東洋君久無子晚得子曰鯨愛之
為擇所配聞鄒女賢而文肅於華君故厚善即媒往
求焉議以克協孺人來歸上下莫不贊賀姑年高有
疾孺人事之怡謹盡孝或淹月衣衾不釋姑臨終祝
曰新婦事我善願新婦有子婦亦如新婦善事我也

東洋君卒鯨治葬與祭咸中禮孺人實相之而鯨卜
果人也遇事敢敏直氣昌辭乞乞期自樹顧遭訟繫
連歲不得白白歸乃以疾終孺人含茹悲苦公私酬
應持危舉墜督教諸子使就學爲鄉里善士東洋君
之業弗衰焉初鯨生子八人女五人而側出者四男
一女孺人愛視之如一孺人性約素服御取給則止
家嘗火什器俱毀孺人無戚感之色曰物存毀有數
惟省已答譴而已孺人卒時年五十有七八子者長
曰延壽次延禧延慶延祚延禮延福延祿延緒
論曰先王之世非獨外治蓋亦有內教焉故女子必

有師圖史陳誠蓄德勸志化行閨門後彤史職廢婦
則姆訓不及於家若今鄒孺人之賢無假輔告動應
禮法非其得於天性然歟抑陶淬漸習族類顯碩有
自哉

鈴山堂集卷第三十二終

鈴山堂集附錄卷之一

像贊

禮部左侍郎像贊

夫何宛宛之清人乎胡然而仙乎胡然而神乎目之
炯然如曙辰乎胡容之儼然如循循乎胡拱之翼然
如申申乎中若惔惔而存存乎迺遶之三匝三肅而
歛襟焉非介谿先生之真乎夫其中惔惔而若存存
也非作 皇吉士讀書中秘沉潛經笥翰苑校藝淵
乎其文思而不可涯涘乎其儼然而若循循也非司
成具瞻博約是兼文行雙漸 帝褒有言師範端嚴

也乎其拱翼而若申申也非秩宗三禮謙恭自致惴惴惟是反覆疑義慮遠而邃也乎其目之炯然也方將坐廟堂輔天子以營四方同仁於一視矚乎望洋論道經邦燮理陰陽以回蒙龐也乎

增城湛若水禮部右侍郎

鈴山孕靈挺生儒碩際昌運世為國寅直有儼斯像著德于色形臞神爽威儀抑抑生本夙知學充其質操翰兩京文聞四溢進講經筵啓沃惟益總教成均士懷其德師範端嚴為帝所識拔佐邦禮寵秩攸錫端委廟堂百辟承式年過五十玄髮長澤乃知天

壽允惟平格

堂邑穆孔暉庶子兼侍講學士

夫天降時雨山川出雲賢才之生有關氣運尚矣故易贊泰亨書稱帝賚斯其較然甚著者也嘗聞弘治乙丑春將試士孝宗祈天冀真才薦焉乃今果彬彬在在位號得人矣公又特焉表見者也茲謂關諸氣運非邪時往從館末寔向慕公逮公掌國監獲侍教焉雖不佞亦庶幾知公者爾覽者將有考於斯夫贊曰

列星寄說崧嶽降申將興至治乃眷斯人雍雍翰苑

肅肅成均文擅國華學探幽蹟其行有常其儀不忒
髦士如雲罔不是則樂善之量求道之心伊予從之
昭在士林凡我君子罔不是欽顏面粹然衣冠顛若
始肖燕居終圖麟閣百世高風聞者斯作

汝南林時國子司業

瞻彼君子之範允矣古人之心遠而望之身若不勝
其衣而端恪疑重近而即之言若不出諸口而溫厚
和平鈴山毓秀詞苑蜚聲司玄王之五教嗣彤伯之
嘉音華秩荐登近台垣之八座駿儀克相昭泰時之
六裡人皆望其秉國之鈞持世之衡以樹 昭代之

殊績而予獨知其含道之腴履德之貞以步正學之
芳塵也吁嗟乎若公者豈非懷鳩鳩之念被蔚豹之
文而為後學之儀刑也哉

鄂渚廖道南侍講學士

南京吏部尚書畫像自贊

視地而后敢行頓足而后敢立不擇利害為趨舍不
以毀譽為欣戚聞善惟恐未行檢身常若不及此簡
冊之格言先民之遺矩予則束髮從仕服膺斯語而
勿失者也然知誘物遷性鑿情僻位重而才弗充年
至而行靡植韓子所謂聰明不及於前時道德日負

於初心爾可不終始勿渝蚤夜思惕以求寡過於萬一乎

冢宰介谿先生嚴公像 文俊 不佞敬以數語贊之

語既不工而又愧知公之未能盡也贊曰

矍然其貌而內則腴眇焉其軀而志則大其學務深造必與古人而同歸其行不詭隨每以流俗為可嘅文章古雅世之敦彝謀慮老成國之著蔡守不變于險夷事不擇乎利害清風直節百僚是師正論謹言一人攸賴嗚呼是為嚴公之行而世稱以為介者乎是以道結於 聖明望傾乎中外然士大夫為世道

計者尚惜其留署之淹而企其端揆之拜也

莆田林文俊 南京吏部右侍郎

形臞於鶴神清於仙和則春溫介則霜嚴持已以敬待人以謙中道而在無黨無偏從容矩度百僚具瞻

婺源潘旦 南京吏部右侍郎

淳風既邈士德斯易行飾青黃文有枝葉穆穆太宰履道為則慨然遠想舍華掇實志軌先民學苞群籍溫恭有儀小心翼翼行顧其方言慎其格罔有城府弗作險棘爰葆中和成是正直狂瀾砥柱清廟珪璧官著屢昭 帝眷有赫風彼四海永歌平格

吳郡顧璘 副都御史

貌癯而清言溫而肅行如雲翔立如鶴矗下士忘疲
好善若弼斯其人蓋欲以天下為度而思使閭閻遐
荒皆厭梁肉者乎

高陵呂柟 南京太常寺少卿

為龍為光如金如玉和匪尚同貞不絕俗外也不岸
中也無谷有典有則華國之文有倫有要經世之勲
儀刑譽髦領袖縉紳 聖皇所毗君子攸珍偉茲風
采天下想聞何以畀之入覲楓宸永錫難老以弼
一人

鉛山費家 南京國子祭酒

泊乎其類山澤之矐晬乎其敷道德之腴行不詭隨
可否從違之必協於義文有典則疾徐豐約之各極
其趨眾方菴棲而罔擇於枯世多巧逢而寧取其愚
茲為詞苑英儒士林哲模宜其寅亮公孤黼黻帝圖
若夫幼悟性殊嗜學忘劬今人與居古人為徒所謂
一驥徐驅百駑區區望塵矐如十駕而不可逾者乎

泰和歐陽德 南京國子司業

煦兮春陽淑氣晬盈肅兮秋客天高雲澄顯顯夫子
大鈞之英仁舒義翕淵角山庭遭時 明聖蔚為國

吳郡顧璘 副都御史

貌癯而清言温而肅行如雲翔立如鶴矗下士忘疲
好善若弼斯其人蓋欲以天下為度而思使閭閻遐
荒皆厭梁肉者乎

高陵呂枬 南京太常寺少卿

為龍為光如金如玉和匪尚同貞不絕俗外也不岸
中也無谷有典有則華國之文有倫有要經世之勲
儀刑譽髦領袖縉紳 聖皇所毗君子攸珍偉茲風
采天下想聞何以畀之入觀楓宸永錫難老以弼
一人

鉛山費家 南京國子祭酒

泊乎其類山澤之矐晬乎其敷道德之腴行不詭隨
可否從違之必協於義文有典則疾徐豐約之各極
其趨眾方菀棲而罔擇於枯世多巧逢而寧取其愚
茲為詞苑英儒士林哲模宜其寅亮公孤黼黻帝圖
若夫幼悟性殊嗜學忘劬今人與居古人為徒所謂
一驥徐驅百駑區區望塵瞠如十駕而不可逾者乎

泰和歐陽德 南京國子司業

照兮春陽淑氣晬盈肅兮秋客天高雲澄顯顯夫子
大鈞之英仁舒義翕淵角山庭遭時 明聖蔚為國

欽定四庫全書
欽定四庫全書
五
楨立德與言示之準繩德立維何外和內勁威儀抑
抑正已物正言立維何發幽鳴盛麗藻雄詞珪璋交
映人方疾馳以取售我則居常而守靜人方恣睢以
擇利我則遜處而無競人方夸詡以自用我則謙冲
而虛聽殆休休其有容直易退而難進故景仰者咸
以鼎鉉之司而親炙者熟識丘樊之興然夫子於斯
一者又曷嘗有所將迎也耶

門人趙文華

南京吏部主事



